


大明集禮


六十六





庫文閣内			
函	冊	號	類
三	八	〇〇	漢書
架	冊	號	類

庫文閣内			
函	冊	號	類
三	八	〇〇	漢書
架	冊	號	類

内閣文庫			
番號	漢	1900	
冊數	80(66)		
函號	295	24	







牛宿旗

按史記天官書曰牽牛為犧牲。晉天文志曰。

牽牛六星天之關梁星明大則王道昌。宋牛

宿旗青質赤火焰脚畫神人牛首皂襪紅袍。

黃裳朱鳥立雲氣中。元制黑質黑火焰脚上


繪六星下繪牛。

金制青質黃襪赤火焰脚中塗金為牛

宿六。



南集禮 卷之三




女宿旗

按晉書天文志。須女。四星。天少府也。謂之須  
 女者。須。賤妾之稱。婦織之卑者也。主布帛裁  
 製嫁娶。星明天下豐。女功昌。宋女宿旗。青質。  
 赤火焰。脚。畫神人。烏牛首。衣朱服。皂襪。素帶。  
 烏鞋。右手持蓮。立雲氣中。元制。黑質。黑火焰  
 脚。上繪四星。下繪龜。  
 今制。青質。黃襪。赤火焰。間綵脚。中塗金。為女  
 宿四。

大明身禮

卷四十三


四十三



虛宿旗

按**晉**天文志曰。虛二星。冢宰之官也。主邑居。廟堂祭祀祝禱之事。明靜則天下安。**宋**虛宿旗。青質。赤火焰脚。畫神人。被髮裸形。坐於甕中。左手持一珠。**元**制。黑質。黑火焰脚。上繪二星。下繪鼠。

**今**制。青質。黃欄。赤火焰間。綵脚。中塗金為虛宿二。




危宿旗

按史記天官書曰。危為蓋屋。晉天文志曰。危三星。主天府。天市。架屋。甘氏云。為天市廟堂。


宋危宿旗青質。赤火焰脚。畫神人。虎首。金甲。衣朱服。貔皮汗膊。青帶。藍包肚。烏鞞。右手仗劍。立雲氣中。元制黑質。黑火焰脚。上繪三星。下繪燕。

今制青質。黃欄。赤火焰間綵脚。中塗金為危宿三。又墳墓四小星在旁。



營室旗

詩定之方中。注曰定營室星也。史記天官書曰。營室為清廟。亦曰離宮。晉天文志營室二星。天子之宮也。為軍糧之府。及土功事。宋室宿旗青質。赤火焰。脚畫神人。丫髮朱服。乘舟水中。元制黑質。黑火焰。脚上繪二星。下繪猪。今制青質黃欄。赤火焰。脚中塗金為室宿二。又離宮六星在旁。



壁宿旗

按晉天文志曰東壁二星主文章天下圖書

祕府也。星明王者興道術行國多君子。宋壁

相旗青質赤火焰脚繪神人為女子形了髮。

朱服皂欄綠帶黃裳烏舄左手指前右手仗


劍立雲中。元制黑質黑火焰脚上繪二星下

繪猶。

今制青質黃欄赤火焰間綠脚中塗金為壁

宿二。






奎宿旗


按史記天官書奎曰封豕為溝瀆。晉天文志曰。奎。十六星。天之武庫。一曰封豕。主禁暴。朱奎宿旗。青質。赤火焰脚。繪神人。狼首。朱服。金甲。綠包肚。白汗膊。黑帶。烏鞞。右手仗劍。元制。素質。素火焰脚。上繪十六星。下繪狼。

今制青質。黃欄。赤火焰。間綠脚。中塗金。為奎宿十六。




婁宿旗

按史記天官書曰。婁為聚眾。**晉**天文志曰。婁三星為天獄。主苑牧犧牲。供給郊祀。亦為興六聚眾。**宋**婁宿旗。青質赤火焰脚。繪神人載金梁冠。素中單。淺黑袍。皂欄。朱蔽膝。青帶。黃裳。朱舄。左手持烏牛角。右手仗劍。**元**制。素質。素火焰脚。上繪三星。下繪狗。**今**制。青質。黃欄。赤火焰脚。間綵脚。中塗金為婁宿三。



胃宿旗

按史記天官書曰。胃為天倉。**晉**天文志曰。胃三星。天之厨藏。五穀之倉也。又名大梁。明則二時和平。天下晏然。倉廩實。**宋**胃宿旗。青質。赤火焰。脚繪神人。丫髮披豹皮。淺紅裙。青帶。跣足。左手指前。右手仗劍。立雲氣中。**元**制。素質。素火焰。脚上繪三星。下繪雉。**今**制。青質。黃欄。赤火焰。間綵脚。中塗金為胃宿三。




昴宿旗

按史記天官書曰昴名旄頭晉天文志曰昴七星天之耳目也主西方獄事又為旄頭胡星也甘氏云昴星明大則君無佞臣天下安和張衡云昴星明獄訟平宋昴宿旗青質赤火焰繪神人牛首朱服皂襪黃裳青帶朱舄左手奉右手持青如意元制素質素火焰脚上繪七星下繪雞

今制青質黃襪赤火焰間綵脚中塗金為昴

宿七。




畢宿旗

按爾雅曰。濁謂之畢。郭璞注曰。掩兔之畢。或  
 于為濁。因星形以名也。晉天文志曰。畢。八星。  
 土邊兵。主弋獵。星明大。則遠夷來貢。天下安。  
 甘氏云。畢主街巷陰雨。天之雨師也。宋畢宿  
 旗。青質。赤火焰脚。繪神人。作鬼形。著朱視。持  
 黑杖。乘馬。行雲氣中。元制。素質。素火焰脚。上  
 繪八星。下繪烏。

今制。青質。黃欄。赤火焰。間綵脚。中塗金為畢

宿八。附耳一星在旁。



紫宿星

按史記天官書曰。三小星隅置曰紫。觸為虎

首。主葆旅事。

晉灼曰。葆。菜也。野生之可食者。張衡云。葆。旅。野。生。之。可。食。者。

**隋**

志云。紫觸為三軍之候。行軍之藏府。主葆旅。

收歛萬物。明則軍儲盈。將得勢。**宋**紫宿旗青


質。赤火焰脚。繪神人。冠緇布冠。朱服。皂襪。黃

裳。拱手坐雲氣中。**元**制素質。素火焰脚。上繪

三星。下繪猴。

**今**制青質。黃襪。赤火焰間綵脚。中塗金為紫


宿三。



参宿旗

按前漢天文志曰。參為白虎。甘氏曰。參為忠良。孝謹之子。明大則臣忠子孝。一曰參伐。一曰大辰。一曰天市。一曰鈇鉞。主斬刈。又為天獄。主殺伐。又主權衡。所以平理也。宋參宿旗。青質。赤火焰。脚繪神人。被髮衣紫欄。黃袍綠裳。朱帶。朱鳥。左手拍空。右手持珠。椎立雲氣中。元制。素質。素火焰。脚上繪十星。下繪猿。命制。青質。黃欄。赤火焰。間綠脚。中塗金為參。

宿十。又玉井四小星在左足下。



井宿旗

按漢天文志曰。南宮朱鳥東井為水事。晉天

文志曰。東井八星。天之南門黃道所經。天之

亭候。主水衡事。法令之所取平也。王者用法

平。則井星明而端列。鉞一星附井之前。宋井

宿旗。青質赤火焰。脚繪神人。丫髮朱袍皂襪。


坐一氣中。右手持紅蓮。元制。赤質赤火焰脚。

上繪八星。下繪犴

今制。青質黃襪。赤火焰。間綵脚。中塗金為井



宿八。又鉞一星在旁。



鬼宿旗

按史記天官書曰。輿鬼主祀事。晉天文志曰。

鬼五星。天目也。主視明察奸謀。星明大則穀

成。宋鬼宿旗。青質。赤火焰。脚繪神人作女子


形。首飾金釵。朱袍皂欄。青帶。黃裳。烏鳥。左手

持杖。立雲氣中。元制。赤質。赤火焰。脚上繪五

星。繪羊。


今制。青質。黃欄。赤火焰。間綵脚。中塗金。為鬼

宿五



柳宿旗

按張衡云。柳為朱雀之喙。天之厨宰也。主尚  
 食和滋味。隋志云。又主雷雨。樂計圖澄曰。柳  
 主材木。朱柳宿旗。青質。赤火焰脚。繪神人作  
 女子形。露髻。朱衣。黑欄。黃裳。皂鳥。撫一青龍。  
 元制。赤質。赤火焰脚。上繪八星。下繪麀。  
 今制。青質。黃欄。赤火焰間。綵脚。中塗金。為柳  
 宿八。




星宿旗

按甘氏曰。星。七星。主后妃御女之位。亦為賢士。明大則道化成國盛。又張衡云。七星為朱鳥之頸。一名天都。主衣裳文繡。**隋志**云。星明則王道昌。**宋**星宿旗。青質赤火焰脚。繪神人冠五梁冠。淺朱袍。綠欄。青帶。黃裳。朱舄。立雲氣。兩手各持金銅絲二條。**元**制赤質赤火焰脚。上繪七星。下繪馬。


**令**制青質黃欄赤火焰間綵脚。中塗金為星

宿七。



張宿旗


按甘氏云。張宿主天廟明堂御史之位。若明  
 大則國盛強。隋志云。主玕寶宗廟所用及衣  
 服。又主天厨飲食賞賚之事。星明則王者行  
 五禮得天之中。宋張宿旗。青質赤火焰脚繪  
 神人。衣豹皮。朱帶。素鞞。右手仗劍。坐雲氣中。  
 元川亦質赤火焰脚上繪六星。下繪鹿。  
 今制青質黃欄赤火焰脚中塗金為張  
 宿六。



翼宿旗

按史記天官書曰翼為羽翮主遠客。隋志云翼為天之樂府主俳倡戲樂。又主夷狄遠客負海之賓。明大則禮樂興。四夷來賓。動則蠻夷使來。宋翼宿旗青質赤火焰脚。繪神人作女子形。首飾金釵。假髻。白中單。皂袍。碧欄。赤蔽。紫裳。赤舄。左手指前。右手仗劍。立於火中。元制赤質赤火焰脚。上繪二十二星。下繪蛇。今制青質黃欄赤火焰脚。中塗金為

翼宿二十二。



軫宿旗


按史記天官書曰軫為車主風張衡云軫為  
 冢宰輔臣主車騎明大則車騎用隋志云主  
 任載明則車駕備轄星附軫兩旁主王侯左  
 轄為王者同姓右轄為異姓長沙一星在軫  
 之中宋軫宿旗青質赤火焰脚繪神人作女  
 子心金釵假髻朱袍皂欄青帶黃裳赤舄左  
 手持書立雲氣中。

今制青質黃欄赤火焰間綵脚中塗金為軫

大明集禮

大明集禮卷四十三

宿四。長沙一星在中左右轄二星在旁。



大明集禮

卷四十三

六十一

大正集禮

卷四十三

十三



